

A

STYRET

Leiar: Agnar Kvellestad 22 49 45 96 (p) - 90 53 36 96
agnar.kvellestad krøllalfa nmbu.no

Kasserar: Hilmar Nummedal 22 68 92 78 (p) - 92 06 72 63
hilmar krøllalfa getmail.no

PRESSE & PR

Leiar: Alv Reidar Dale 97 82 62 48(p) - 22 85 63 48 (a)
a.r.e.dale krøllalfa uniforum.uio.no

HYTTESTYRET

Leiar: Agnar Hegrenes 92 49 64 38
agnar.hegrenes krøllalfa nibio.no


Kontakt Sunnfjordhytta: 21 92 02 05 (p) - 91 55 10 58 (a)
Andor Gjelsvik
andorgj krøllalfa frisurf.no

Kontakt Nordfjordhytta: 67 90 61 34 (p) - 21 09 48 02 (a)
Dagfinn Aa
daa krøllalfa ssb.no

SOGN OG FJORDANDERINGEN

Nestleiar: Finn Stafsnes 90 82 12 27
Fi-stafs krøllalfa online.no

Sendar: **SOGN OG FJORDANELAGET I OSLO**
Nordahl Brunsgate 22
0165 Oslo



TRE FJORDAR

LAGSBLAD FOR: SOGN OG FJORDANELAGET I OSLO
NORDAHL BRUNS GATE 22, 0165 OSLO

NR. 3

2016

ÅRGANG 31



*God stemning under Hyttehelga
og dugnad på Nordfjordhytta
23. - 24. april*



*Laget har sikra seg
globettrtaren Gunnar Gjørfors
til Klubbefesten 5. november*

Astrup-utstilling på Henie-Onstad kunstsenter i sommar

Leiaren Det er sommar – og snart ny lagshaust

Vi kan sjå attende på vinteren og våren, med øvingar i Ringen og deira dansing 17. mai, og dugnadar og andre hyggelege samkomer på hyttene. I tillegg gjer fleire medlemmar i laget ein stor innsats som tillitsvalde i Bygdelagssamskipnaden.

Ringen vert dei første som startar opp att til hausten, og det skjer ting på hyttene, bl.a. smalahoveving på Pustut i oktober.

Klubbefesten vert laurdag 5. november, i pakt med tradisjonane. Denne gongen med markering av *skipinga av Sunnfjordlaget for 100 år sidan*. **Gunnar Garfors** og **Indre Sunnfjord Spelemannslag** kjem og gjev kvelden sunnfjordpreg.



Gunnar Garfors i Machu Picchu i Peru.
FOTO: Gunnar Garfors ©

Gunnar Garfors voks opp i Naustdal og arbeider i NRK med blant anna internasjonale kringkastingsverksemd. Dessutan er han journalist og forfattar, og har blant anna medverka i bøker gjevne ut i heimfylket. Som globetrottar har han vitja alle

landa i verda. Kva tankar han gjer seg om sunnfjordingar ved denne hundreårsmarkeringa, får vi høyre på festen.

Spelemannslaget syter for god sunnfjordmusikk. Etter mange tiårs deltaking på kappleikar og i andre samanhengar skulle dei vere velkjende for sitt gode spel.

På dei to føregåande klubbefestane markerte vi at det var 100 år sidane skipingane av høvesvis Sogne- og Nordfjordlaget. I år vert det kruna på feiringsverket, og alle gode ting skal vere tre. Her kjem eg i hug ei kjend utsegn i Skipper Worse av forfatteren Kielland: «Vi kommer sent – hr. konsul! men vi kommer godt!».

No er **Nicolai Astrup-utstillinga** sett opp på Henie-Onstad kunstsenter på Høvikodden. Laget prøver å få til ein fellestur dit uti aug. Sjå <http://hok.no/arrangement/nicolai-astrup-norske-landskap?gclid=CO79w5qnts0CFWF5cgoaewMpw>

Og så minner vi om **Førdefestivalen 6.–10. juli**: <http://www.fordefestival.no/program-2015-alle/>

Eg ønskjer alle ein retteleg god sommar og velkomne attende i laget til hausten.

Agnar Kvellestad
Leiar

Drabeleg dugnad på Nordfjordhytta



ALLE FOTO: Randi Solheim ©

23.–24. april var det hyttehelg og dugnad på Nordfjordhytta, med vedasjau og vårvask som forslo. Bileta talar for seg – *men kva er det som skjuler seg inni peisen på Nordfjordhytta?*

VEDASJAU: Hyttefut Dagfinn Aa t.h. og Oddvar Bjordal med vedakubben i høgste veret. Olav Kvam bar til rettes.



PEISKUNST: Randi Solheim kom over desse forunderlege figurane inni peisen på Nordfjordhytta. Eit mysterium me kanskje kjem attende til i neste nummer – fylg med...

28.–29. mai var vårens rekeparty på hytta, med få, men utvalde gjester.

Laurdag 7. mai heldt dei vedadugnad på Sunnfjordhytta ved Sinober i Lillomarka.

BRUK HYTTENE I SOMMAR: Me oppmodar medlemmene til å leige hyttene i sommar, det er svært rimeleg og fin ferie, det! Sjå kontaktlista på baksida av arket.